

王  
川  
子  
詩  
集

王川子詩集卷三

銘

說苑靈龜文五色似玉似金背陰向陽上隆象天下  
平法地象衍象山四趾轉運應四時文著象二十八  
宿蛇頭龍翅左精象日右暗象月千歲之化下氣上  
通能知存亡吉凶之變寧則信信如也動則著矣述  
異記壽萬年曰靈龜

龜汝靈於人不靈於身致網於津吾靈於身不靈於人致  
走於壑龜吾與汝隣

郭璞曰凡蟲之智莫善於龜卻謁放歌行龜爲乘靈  
亡斯天論云人爲靈蟲形最似天奈何君子執質而  
車馳網民懷財而趨走僕僕塵埃不能脫利名網悲  
夫

櫛銘

荀子不沐則濡櫛三律而止註理髮也

人之有髮分且且思理有身分有心分胡不如是

真人告曰櫛頭理髮欲得適多女誡云用櫛則思其  
心理晉傅咸櫛賦序曰大才治世猶櫛之理髮也理  
髮不可無櫛治世不可無才曰我嘉茲櫛惡亂好理

一髮不順實以爲耻雖日用而匪懈不告勞而自己  
苟以理而委任期竭力而沒齒

梳銘

說文櫛梳枇總名也梳言其齒疎也篦言其細相比  
也

有髮今朝朝思理有身今胡不如是

所謂養其一指失其肩背而不知也老子云吾有大  
患者爲吾有身

小婦吟

小婦欲入門眼門含紅妝大婦出門迎正頻羅衣裳門迎

兩相見笑樂不可當夫子於傍聊

一作

所屬小婦哆嗟上

高堂開玉匣取琴張陳金鼎酌滿觴願言兩相樂永與同心事我郎夫子於傍剩欲狂珠簾風度百花香翠帳雲屏白玉牀啼鳥休啼花莫笑女英新喜得娥皇

附寶傳限門旁尸限以隅也班固記始皇宮中悉好神仙乃梳神仙髻皆紅妝翠眉漢宮尚之木蘭歌阿姊聞妹來當戶理紅妝齊俗訓曰說文紫緒弱粉羅執收承詩被服維裳衣楊子法言衣上也裳下也正頓謂整理也裳下飾以羅爲表絹爲裏故云羅裳衣羅言其文羅疏也曰方目羅以細勻爲貴曰輕羅其

厚重者口結羅古稱織女秋雲羅黃庭經金簡鳳文  
羅越地名越羅今吳地出木緯羅子虛賦羅織羅垂  
露殺是也哆隄一作哆隄殺梁傳哆然外齊侯也哆  
音多又音侈韓詩哆口疎者麗說文哆張口也隄音  
啼泣貌漢狄邪行小婦無所作挾瑟上高堂度月吾  
詩琴聲悲玉匣鮑照詩奉君玳瑁玉匣之雕琴卷耳  
之詩曰我姑酌彼金罍按周禮鼗八器鼗首鼗四素  
鼗鼗一象鼗鼗一鳳麟百乳鼗一養父鼗一在昔三  
代盛時凡酌獻祿將通用於人神之際故獻酌用於  
人亦用於神祿將所以禮神亦所以禮人是以尊鼗

葬舟相爲後先而行之然周官冢人先尊以尊尊而  
 葬卑小宗伯先葬以言其用則先葬耳葬用以祿既  
 祿則已尊用以飲食則必有繼之者故繼之必資諸  
 鼎此所謂餅之幣矣惟鼎之耻之義也又詩云金罍  
 蓋未必以黃金爲之以五金皆金耳韓詩曰天子以  
 玉餼諸侯大夫以金餼士以梓樂府安得同心人白  
 頭不相離庾信商調曲動其兩心妻子恩情垂夫大  
 婦不妬忌而小婦樂之則可以同心事我郎矣邈臣  
 不疾而遠臣不蔽則可以同心事我君矣明皇雜錄  
 玄宗皇后王氏廢爲庶人當時王諱作翠羽帳賦爾

雅製云翡翠帳翠帳紺色高適詩木若若雲屏劉長卿詩芙蓉小帳雲屏暗雲屏以雲母飾屏也初學記仙人以白玉爲床世本紂爲玉床西京雜記昭陽殿設玉牀沈約詩更衣捧玉床吳均詩餘輝耀玉床李白詩西施醉舞嬌無力笑倚東窗白玉床神州經曰九河帝君坐玉牀五色幃帳內外光明玉佩千垂娥皇女英堯二女名檀弓舜葬於蒼梧之野蓋三妃未之從也謝疊山曰堯妻舜二女三妃亦無所考按路史舜三妃娥皇無子女英生商均舜比氏帝之第三妃生二女曰宵明曰燭光處河大澤靈照百里是爲



湘之神竹書紀年云三十年舜葬后育於渭后育娥  
皇也

月下寄徐希仁

夜半沙上行月瑩天心明沙月浩無際此中離思生上天  
何寥廓下地何崢嶸吾道豈已矣爲君傾兕觥

劉長卿詩歷歷沙上人月中孤度水今錢塘江干有  
地名曰沙上公孫乘賦云猗嗟明月當心而出萬峰  
老人云寶月天心人共見張喬詩沙月白相親相如  
大人賦下崢嶸而無地兮上寥廓而無天以天上天下  
澤川禮疏云白天監下則稱上天爾雅冬爲上天嚴

東云寥廓空遠也博雅崢嶸深冥也九地內音素窻  
丹經地下深億萬里得洞澤地其炁黃又二十億萬  
里得色剛澤地其炁紫又二十億萬里得大風澤地  
其炁青又下無窮無極無垠無際洞洞網維地其炁  
綠皆風炁網維之故故能擎持地輪懸而不落此剛  
風包於九壘之下乃載九天通達虛無誠爲深冥矣  
埤雅兕似牛兕重千斤一角青色其皮堅厚可以制  
鎧老子曰兕無所投其角兕嘗抵觸故先王之制罰  
得以兕角爲之酒陽物也而害於人之剛其過則在  
抵觸故先王制此以爲酒戒鄉飲刺云振振鷖舞兕

三川丁未集卷三  
觥其觥觥罰不敬也受五升毛詩註大七升韓詩曰  
觥廓也君子有過廓然著明也

附徐希仁石硯別

靈山一片不靈石手斲成器心所惜鳳鳥不至池不成蛟  
龍乾蟠水空滴青松火鍊翠煙凝寒竹風搖遠天碧今日  
財君離別心此中至淺造化深川之可以過珪璧棄置還  
爲一片石

靈山端州靈陽峽唐人取硯處柳公權曰斧柯山山  
石硯昔人採之必祭以中牢不爾雷霆勃興失石所  
在故云靈山一片石者古人作硯或竟以平石一片

不加琢削因無墨池而石自精潤不枯也硯史晉硯  
有鳳字兩足號鳳凰池樂府景山青松煙墨以上雲  
松心煙爲之翠煙凝言發墨也望之石並青綠相間  
如畫作遠天碧色染竹搗風澁不留筆也以上總古  
石硯之善石硯贈別者石取堅久之心硯取研摩之  
義

有所思

宋書志云漢大樂食舉十三曲一日鹿鳴二日重來  
三日初造四日俠安五日歸來六日這期七日有所  
思八日明星九日清涼十日涉大海十一日大置酒

十二曰承元氣十三曰海淡淡漢鼓吹饒歌十八曲  
曰朱鷺曲思悲翁曲艾如張曲上之回曲翁離曲  
城南曲巫山高曲上陵曲將進酒曲君馬黃歌芳樹  
曲有所思曲雉子曲聖人出曲上邪曲臨高臺曲遠  
如期曲石留曲魏鼓吹曲十二篇漢有所思曲魏曰  
應帝期晉鼓吹歌二十二篇古有所思行晉曰雉席  
蜀吳鼓吹曲十二篇漢曲有所思吳曰從軍數義熙  
中何承天私造鼓吹饒歌十五篇仍曰有所思篇  
當時我醉美人家美人顏色嬌如花今日美人棄我去青  
樓珠箔天之涯娟娟姮娥月三五二八盈又缺翠眉嬋

生別離一望一見

一作不見

心斷絕心斷絕幾千里夢中醉臥

巫山雲覺來淚滴湘江水湘江兩岸花木深美人不見愁

人心含愁更奏絃絃琴調高絃絕無知音美人兮美人不

知爲霖雨兮爲朝雲相思一夜梅花發忽到憲前疑是君

曹植美女篇青樓臨大路青樓妓館也本紀齊武帝

興光樓上施青漆世人謂之青樓東晉曰武帝不巧

何不純用琉璃又曹唐詩緱山碧樹青樓月腸斷春

風爲玉簫常建詩一時渡海望不見曉上青樓十二

重神咒經云東海爲桑田鬱州起青樓梁元帝詩映

日通風影珠箔劉孝威詩虬簪挂珠箔娟娟姮娥月

句全唐詩本多天涯二字游宦紀聞今之遠宦及遠  
服買者皆曰天涯海角謝靈運月賦昨三五兮既滿  
今二八兮將缺一本無二八字順行經云月中人常  
以月一日至十六日採白銀瑠璃鍊於炎光之冶故  
月度盈則光明鮮太素以十七日至二十九日於密  
林之下採三氣之華拂日月之光故月度虧其光微  
觀象玩占日月前望而西缺後望而東缺名曰反月  
下不奉上侵主勢天下有洪水出兵起虞翻曰三日  
暮震象月出庚八日兌象月見丁十五日乾象月盈  
甲壬十六日丙且巽象月退辛二十三日艮象月消

丙三十日坤象月減乙癸晦夕朔旦則坎象水流戊  
日中則離象火就已成戊己土位象見於中江淹展  
色賦阮翠者而瑤質江總詩翠者結恨不復開梁元  
帝詩班成理蟬嬋薛道衡昭君辭蟬舂非本質蟬舂  
改真形古今註魏文帝宮人莫瓊樹始製爲蟬舂望  
之縹緲如蟬舂然江淹悅曲池云客子思兮心斷絕  
心斷絕兮愁無開郭景純曰丹山西卽巫山者也又  
帝女居焉所謂天帝之季女名曰瑤姬未行而亡封  
於巫山之臺水出涇水出零陵陽海山北至巴丘  
山入於江所言大舜陟方二妃從征溺於湘江是也



山海經曰洞庭之山帝之二女居之沅澧之風交湘  
之浦出入多飄風暴雨湖中有君山緇山多篴竹兩  
山相次去數十里迴時相望孤影若浮荊州記巫峽  
長數百里兩岸連山界無絕處傳玄琴賦序曰蔡邕  
有綠綺琴天下名器也說略曰司馬相如及蔡成琴  
皆名綠綺呂覽伯牙善鼓琴鍾子期嘗聽相與爲友  
子期死伯牙破琴絕絃不復鼓琴以時人莫之能聽  
也鍾官氏子通稱期名也達於音律伯牙楚人覩世  
無知音若子期者絕絃破其琴也宋玉高唐賦昔者  
先王嘗遊高唐怠而晝寢夢一婦曰妾巫山之神女

也朝爲行雲暮爲行雨朝朝暮暮陽臺之下戒菴漫  
筆云唐盧仝有所思云當時我醉美人家美人顏色  
嬌如花今日美人棄我去珠樓廉箔天之涯又云美  
人兮美人不知爲暮雨兮爲朝雲相思一夜梅花發  
忽到窻前疑是君自古美人之喻指君而言古三百  
篇中彼美人兮西方之人兮指文王是也而盧詩之  
意若不得於君者但少含蓄氣象及讀韓詩云玉川  
先生洛城裡破屋數間而已矣一奴長鬚不裹頭一  
婢赤腳老無齒以是觀之其窮困真可慨已昔人戲  
謂盧之窮因荒於色徵於有所思之作也後至甘露

之變座上見牧年老寡髮被牧者以丁釘其顙而去  
人以爲讖於添丁之詩云嗟乎詩能窮人若全之窮  
是其窮於詩者也不惟窮而且極奇禍不重可哀也  
哉

樓上女見州

古詩盈盈樓上女皎皎當牕牖

誰家女兒樓上頭指揮婢子挂簾鉤林花掠亂心之愁卷  
却羅袖彈箏候箏篋歷亂五六絃羅袖掩面啼向天相思  
向天情不所一作相思結落花紛紛心欲穿心欲穿恐欄  
干相憶柳條綠相思錦帳寒直綠感君恩愛一回顚使我

雙淚長潸潸一作潸潸我有嬌羞待君笑我有嬌蛾待君掃  
花爛熳君不來及至君來花已老心腸寸斷誰得知玉階  
難歷生青草

禮記自世婦以下自稱曰婢子左傳秦嬴曰寡君使  
婢子侍執巾櫛以罔子也古詩十五彈箏篴箏篴師  
延所作靡靡之樂後出桑間濮上之地蓋空國之侯  
所作也師涓爲晉平公鼓焉風俗通箏篴一名坎篴  
漢武帝祠太乙后土令樂人侯曜依琴作坎篴言其  
坎坎應節也篴以姓冠章也封禪作室侯取其室中  
事物紀原漢靈帝好之體曲而長二十三絃抱於懷

中兩手齊奏謂之擘阮洛陽伽藍記魏高陽王雍美  
人徐月華能彈以箜篌爲明妃出塞之聲後爲將軍  
原士康側室徐鼓箜篌而歌哀聲入雲行者俄而成  
市箜篌二十三絃或云二十四絃或云二十五絃有  
柱道行波羅密經譬如箜篌不以一事成有木有柱  
有絃有人拂手鼓之其音調好大智度論箜篌有槽  
有頸有皮有絃有髀衆緣和合故有聲可聞新唐書  
樂志高祖設九部樂有鳳首箜篌臥箜篌豎箜篌許  
彥周詩話箜篌狀如張箕操手摘絃出聲落花粉紛  
淆亂視階際木勾欄干亦作欄干眼睨亦曰欄干蓋

闌干以橫斜爲義勾欄木縱橫爲之故曰闌干以木  
爲之故字从木梁簡文詩斜燈入錦帳太微神母歌  
曰六真夫人錦帳金船大招屬輔奇牙宜笑嗎只古  
歌笑屬自然開淮南子獻酬擗注賦輔頰邊文婦人  
之媚也楊慎曰俗云笑窩腮斗也青藤路史曰近代  
粧尚屬如射月曰黃星屬翎之名蓋自吳孫和鄧夫  
人始也和嘗醉舞如意誤傷鄧頰腎購白鵝髓屑貌  
頰傅之即過多及瘥脫左頰有赤點如意瘥更妍也  
諸嬖欲要寵者皆丹靑點頰而後進焉杜詩爲花開  
世界劉長卿詩爲花共寂寥蘇軾煙曉吳都賦暮歷

江海之流注曰羈歷分布覆被貌吳均詩玉階行路  
生細草

秋夢行

客行一夜秋風起客夢南遊渡湘水湘水泠泠澈底清二  
妃怨處無限情娥皇不語啓嬌嬈女英日成轉心慚長看  
入髮何連娟肌膚白玉秀且鮮裂回共訴東方日沈吟再  
理南風絃聲所續思綿綿中含幽意兩不宜殷勤纖手聲  
破夢中宵寂寞心悵然心悵然腸亦絕寐不寐分玉枕寒  
夜深夜分霜似雪鏡中不見雙翠睂前空挂纖纖月纖  
纖月盈復缺娟娟似看意難訣願此看分如此月千里萬

里光不滅

師古曰七月秋風起八月風高九月風落湘中記湘  
川清照五六丈下見底石如樗蒲矣五色鮮明白沙  
如霜雪赤崖若朝霞少司命曰滿堂兮美人忽獨與  
予今日成上林賦長君連娟梁丘選詩長君橫玉臉  
何選詩美人多怨態亦復憐長君古今注魏宮人皆  
長君古詩燕趙多佳人美者顏如玉洞冥記帝所幸  
宮人名麗娟年十四玉膚柔軟吹氣勝蘭張泌詞可  
惜玉肌膚銷瘦成慵懶九歌歌將出兮東方毛詩正  
義云東方之日兮猶言明盛之君今日出東方無不



鑒照樂記昔者舜作五絃之琴以歌南風驚破夢者  
謂夢中聞琴聲而醒也以下皆夢覺之語楚詞夜炯  
炯而不寐吳歌玉枕龍鬢席郎眠何處牀胡曾詩玉  
枕夜殘魚信絕歐陽炯詞殘夢不成離玉枕李賀詩  
夜光玉枕樓鳳凰劍俠傳德宗朝于闐國貢白玉枕  
雕琢奇巧希代之寶古鏡銘曰當看寫翠對臉傳紅  
劉孝綽詩秋月始緝緝月之朔旦與日交光乍慕太  
陽之氣於日沒時吐微光於西山庚上狀若蛾眉王  
褒詩初魄似蛾眉鮑照詩娟娟似蛾眉梁武帝詩容  
色玉繩舒如月秋風起而夢思秋月朗而夢醒客行

思家景狀山海經云洞庭之山帝之二女居之注云  
天帝之二女而處江爲神卽列仙傳江妃二女也離  
騷九歌所謂湘夫人稱帝子者是也而列女傳曰二  
女死于江洲之間俗謂爲湘君鄭司農亦以舜妃爲  
湘君說者皆以舜陟方而死二妃從之俱溺死于湘  
江遂號爲湘夫人按九歌湘君湘夫人自是二神江  
湘之有夫人猶河洛之有宓妃也安得謂之堯女全  
詩云湘水泠泠澈底清二妃怨處無限情則竟指娥  
皇女英而言原其承襲之誤由乎俱以帝女爲名名  
實相淆終古莫辨其失可慨矣

白君之出矣

漢徐幹有室思詩五章其第三章曰白君之出矣明  
鏡開不治思君如流水何有窮已時自君之出矣蓋  
起於此

自君之出矣壁上蜘蛛織近取見妾心夜夜無休息妾有  
雙玉環寄君表相憶環是妾之心玉是君之德馳情增悴  
容蓄思捐精力玉篴寒悽悽延想心惻惻風含霜月明水  
泛碧天色此水有盡時此情無終極

爾雅蠙蚶長跖郭注小蜘蛛長脚者俗呼喜子卑雅  
曰蠙蚶長跖之貌亦如蜘蛛布網垂絲著人常有親

客至西京雜記蜘蛛集而百事喜是也夫蜘蛛主喜而幽風詩曰蠨蛸在戶言憂思傷感蓋蛛網罕無人則易集故令人感恩彼以着衣爲喜各有取義耳此則引蛛網之經緯不已如妾心之宛轉無盡時也左傳韓宣子有玁玉環說文古婦人首飾琢玉爲兩環環取其連屬玉取無瑕比德君子也簟竹席方言簟宋魏之間謂之笙或謂之蓮苗自閩而西謂之簟或謂之菲其麗者謂之蓮條自閩而東或謂之簟換洞冥記神明臺上有九天道金牀象席琥珀鎮雜玉爲簟東宮舊事太子納妃有素花玁文簟桃支簟金簟

玉泉珍簾楊巨源詩涼葉還生玉泉風李白詩微霜  
淒淒簾色寒後漢張酺傳惻惻出于誠心注云懇切  
也通雅惻惻歎息聲延想久思也韋莊詞春水碧於  
天高峰老人詩云萬里碧天清似水古詩春水似投  
藍水深而色碧也

走筆謝孟諫議寄新茶

按德宗建中四年度支侍郎趙贊議常平事竹木茶  
漆蠶稅之茶之有稅肇此貞元九年正月初稅茶先  
是諸道鹽鐵使張滂奏曰伏以去歲水災設令賦稅  
今之涸川須有供儲伏請於山茶州縣及茶山外商

人要路委所由定三等時估每十稅一充所放兩稅  
其明年以後所得稅外貯之若諸州遭水旱賦稅不  
辦以此代之詔可之仍委涉其處置條奏自此每稅  
得錢四十萬貫然稅無虛放遭水旱處亦未嘗以錢  
抵贖至文宗太和七年王涯以宰相兼判度支鹽鐵  
二使表請使茶山之人移茶樹根本就官場栽植舊  
有貯積皆使焚棄天下怨之九年冬十一月宦官仇  
士良殺王涯全亦遇害此茶事之終始也此詩當在  
元和四年是時已稅茶二十二年矣詩中云山上羣  
仙司下土地位清高隔風雨安得知百萬億蒼生命

墮在巖崖受辛苦便爲諫議問蒼生到頭還得穩息  
否言諫議地位清高當知民病茶戶巖崖辛苦若此  
豈亦奏之天子亟罷其稅使百萬億蒼生還得到頭  
蘇息否耶

日高丈五睡正濃軍將打門驚別公口云諫議送書信白  
紉斜封三道印開緘宛見諫議而手閱月閣三百片開道  
新年入山裏鶯燕驚動春風起天子賜嘗一作未嘗陽羨茶百  
草不肯一作先開花仁風暗結珠琲瑤一作先春苗出一作抽山黃  
金芽摘鮮焙芳旋封裝至精至好且不吝至尊之餘合王  
公何事便到山人家柴門反關無俗客紗帽籠頭自煎喫

碧雲引風吹不斷  
白花浮光凝碗面  
一碗喉吻潤  
兩碗破  
孤悶  
三碗搜枯腸  
唯有文字五千卷  
四碗發輕汗  
平生不平事盡向毛孔散  
五碗肌骨清  
六碗通仙靈  
七碗喫不得  
也唯覺兩腋習習清風生  
蓬萊山在何處  
玉川子乘此清風欲歸去  
山上群仙司下土地位清高  
閑風雨安得知  
百萬億蒼生  
命墮在巖崖  
受辛苦  
便爲諫議同蒼生  
到頭還得蘇息否

鄭雲叟詩擬將枕上口高睡  
賣與人間榮貴人打門  
頻苑作扣門軍將軍事十將也  
周禮軍吏載旗句解  
曰軍吏即軍將也通雅軍將謂之馬客  
便鞍馬壯軍



容北史張奭傳擊其門邊韶曰寐與周公同夢東坡詩孝先風味也可憐肯爲周公晝日眠退之寄皇甫湜云敲門驚晝睡同報睦州吏手把一封書上有皇甫字句法意象略同雲麓漫抄云書自秦漢末用緣帛如勝廣書帛內魚腹高祖書帛射城上至中世漸用紙趙后傳所謂赫蹏者注云薄小紙然其實亦緣帛蔡倫傳用緣帛者謂之紙緣貴重不便於人倫乃用木屑麻皮等則古之紙卽緣帛字蓋從糸云盧仝詩云首云諫議送書至白絹斜打三道印豈唐人又曾用絹封者耶齊東野語曰古者本謂絹紙近世

失之蓋古人多以絹爲紙隋修文殿御覽載晉人藏書數有白絹草書白絹行書白銀絹楷書之日弭雅云三道者三行也古人兩封歧縫處密加印信古無封筒亦不用帋以絹素斜褰折角施蠟烙以魚斗加印其上滿縫而止故曰三道今人以一印爲一道非也鄭谷詩閑鍼數片淺含黃東坡云頗笑玉川子飢弄三百片素絹玉詩山煎礪破團團月茶譜謂研膏片團如月也凡茶有二類曰片曰散片茶蒸造實掩模中串之唐制湖州造茶最多謂之顧渚貢焙歲造一萬八千四百斤焙在長城縣西北大曆五年以後

始有進奉至建中二年袁高爲郡進三千六百串夏  
小正春正月起蟄金氏曰今二月始蟄而漢始以蟄  
蟄爲正月月中月令孟春驚蟄始振豈古者陽氣特感  
啓蟄獨早與疏云蟄蟲晚者二月始出故云蟄蟲咸  
動則正月已動矣常州義興漢陽羨縣故城在南晉  
以周玘行義計石木割吳興之陽羨義井長城之北  
鄉爲義興郡以表此功隋平陳廢郡爲義興縣宋之  
宜興也有君山章山亦名貢山以貢茶得名茶舍記  
故事湖州紫符以清明日到先薦宗廟後分賜近臣  
賜嘗金唐詩木作須嘗毛文錫茶譜云茶樹如瓜蘆

葉如梔子花如白薔薇而黃心實如耕欄蒂如丁香  
根如胡桃早春黃芽葉相抱如片甲亦云黃金芽柳  
道倫詩願逐仁風布將俾生植功瓊瓊花含蕊未吐  
也晉書作蓓蓓張有曰艸木未萌瓊瓊如珠漢書蓬  
戶柴門楊震傳於是柴門絕賓客晉書儒林傳賈清  
貞守道抗志柴門隋書禮樂志齊宋之間天子宴私  
著白紗高帽士庶以烏開皇初高帝嘗著烏紗帽自  
朝貴以下至於冗吏咸通著入朝中華古今注烏紗  
帽武德九年太宗詔曰自今以後天子服烏紗帽百  
官士庶皆服之因詔錄李約天性嗜茶能自煎謂人

曰茶須緩火炙活火煎客至不限既數竟日執持茶  
器不倦又云陸鴻漸性嗜茶始創煎茶法劉禹錫詩  
白雲滿盞花徘徊凡酌茶置諸盞令沫餽均沫餽湯  
之華也華之薄者曰沫厚者曰餽細輕者曰花翠芳  
譜烹茶云竹爐火候若梳清綠煮引風之碧雲傾浮  
花之雪乳茶能止渴潤喉吻白居易詩酒渴春深一  
碗茶文同詩玉川喉吻澆莫惜寄來頻劉琨與兄子  
南兖州刺史演書云吾體中漬悶常仰真茶汝可置  
之東坡云枯腸未易禁三碗又云不用僇腸挂腹文  
字五千卷但願一甌常及睡足日高時茶經云夫珍

鮮醲烈者其盃數三次之者盃數五若坐客數至五行三盃至七行五盃若六人已下不約盃數故第一與第二第三盃次之第四第五盃外非渴甚莫之飲陶洪景雜錄苦茶輕身換骨昔丹丘子黃山君服之天台記丹丘山大茗服之生羽翼元始上真記蓬萊山對東大海之東北岸山廻廻五千里溟海中滸溟衝天九氣丈人所治魏武帝氣出唱云東到蓬萊山上至天之門拾遺記蓬萊山亦名防丘亦名雲來高二萬里廣七萬里又曰蓬壺則蓬萊也述異記列禦寇御風而行常以立春日歸於八方立秋日遊於風

穴列子師老商氏友伯高子進二子之道乘風而歸  
心凝形釋骨肉都融不覺形之所倚足之所履隨風  
東西猶木葉幹殺竟不知風乘我耶我乘風乎大洞  
玉經云左无英公子鎮我左腋之下肝之後戶右白  
元尊神鎮我右腋之下肺之後戶訣曰左腋之下使  
玉光內映右腋之下令體映金光清異綠茶一名清  
風使發恩叢說云盧仝茶歌至尊之餘合王公何事  
便到山人家上不忘君也安知百萬億蒼生命墮在  
巔崖受辛苦下不忘民也此乃盡臣子敬上念下之  
意也

冬行三首

豈易臘月皆在贅吾獨何乃勞其形小大無由知天命但  
怪守道不得學老母妻子一揮手涕下便作千里行自顧  
不及遺霜葉旦夕保得同飄零遠生何足云偶然苦樂輕  
其身古來堯孔與桀跖善惡何補如今人

楊子曰南呂之月蟄蟲入穴故螻蟻至是絕矣荀子  
知命者不怨天援神契曰命有三科有受命以保慶  
謂年壽也有遭命以謫暴謂行善遇凶也有隨命以  
督行謂隨其善惡而報之漢書貨殖傳守道循理者  
不免於饑寒之患魏晉易者守道多被陷毀反不若



蟲豸安寧得蟄於冬時劉琨詩揮手長相謝揮膏也  
韓愈復志賦涕泣下之交如文子曰木方盛終日采  
之而復生秋風下霜一夕而零韓安國傳草木遭霜  
者不可以風過師古曰言易零落也夫霜葉飄零還  
同一處離別之苦何如郭象曰達生之情者不務生  
之所無達命之情者不務命之所無奈何也全其自  
然而已謝靈運詩萬事難並歡達生幸可託韓非子  
曰舜之救敗也則是堯有失也賢舜則去堯之明察  
聖堯則去舜之德化不可兩得也莊子與其譽堯而  
非桀不如兩忘而閉其所譽詎盜跖柳下季之弟季

奇曰魯之盜跖漢書注跖秦之大盜也堯孔桀跖苦  
惡夢夢天命竟不可知吾身苦樂若月而趨孰暇  
知其所苦樂乎

長年愛伊洛決計卜長久賒買里仁宅木竹且小有賣宅  
將還資舊業苦不厚債家徵利心餓虎血染口厲風刀刻  
肌遂向東南走賢哉韓員外勸我莫強取憑風謝長者敢  
不愧心苟賃載得估舟估雜非吾偶壯色排榻席別座夸  
半酒落日無精光啞暝被單肘滑石生齒牙洗灘亂相掀  
奔漸嚼蒿杖夾岸雪龍吼可憐聖明朝還爲喪家狗通運  
隔南渡債利挂北斗揚州屋舍賤還債堪了不此宅貯書

籍地湛憂蠶朽買僕舊相識十年與管守貧交多變態僕  
得君子不利命子罕言我誠孔門醜且貴終焉圖死免慙  
孤首何當歸帝鄉白雲永相友

峽中船人曰長年三老此長年云者猶言向年也伊  
水出河南伊闕縣陸渾山洛水出上洛郡洛陽縣聚  
嶺山張衡思立賦匪仁里其焉宅兮匪義迹其焉追  
梁昭明詩買宅歸仁里全自云我有水竹莊甚近嵩  
之巔漢書王莽傳珣盡舊業爲衆倡始晉書桓溫傳  
資其舊業反其土宇左思詩金張籍舊業雲笈七籤  
舊業日銷新業不造曹植詩貴家填門至不知何用

歸東暫貧家賦債家至而相敦乃取東而償西戰國  
策委肉當餓虎之蹊大荒賦貧尼富虎債家徵利其  
狀如餓虎也金光明經見虎虎子血汚其口積遂良  
疏云冬風如割臘風也刻肌狀其慘冽郭公譚大兒  
緣高岡雄子東南走陶潛曰吾少而窮苦每以家弊  
東西遊走退之時爲河南令寄全詩云先生抱才終  
大用宰相未許終不仕假如不在陳力列立言垂範  
亦足恃苗裔當蒙十世宥豈謂貽厥無基趾故知忠  
孝生天性激身亂倫安足擬昨晚長發來下狀隔牆  
惡少惡雉似每騎屋山下窺閭閻舍驚怕走折趾惡

依婦媾欺官吏不信令行能禁止先生受屈未曾語  
忽此來告良有以嗟我身爲赤縣令操權不用欲何  
俟立召賊曹呼伍伯盡取鼠輩尸諸市先生又道長  
鬚來如此處置非所喜況又時常長養節都邑未可  
猛政理先生固是余所畏度量不敢窺涯浹故縱是  
誰之過與效尤戮侯愧前史買羊沽酒謝不敏偶逢  
明月曜桃李先生有意許降臨更道長鬚致雙鯉據  
此全裝遇盜出走也容齋續筆云夫姦盜固不義然  
必有謂而發必貪甚貨利則挑暴子女如玉川之貧  
至於郵僧乞米隔牆居者豈不知之若爲色而動窺

室家之好是以一赤腳老婢殞命也惡少可謂杆著  
一死太上洞真賢門經云或以方便取或以迫脇取  
或以非法取或以下脫取皆強取也道學傳嚴遵不  
作苟見不治苟德久南而不改其操估舟估客船也  
壯色行色半酒別筵也後漢鄧彪傳河南尹道丞存  
問常以八月旦率半酒東觀記曰賜羊一頭酒二石  
也桂馥子天積聚星以爲光故日月之明非一精之  
光孔演國曰麒麟闕而日無精光无釐度人經八垣  
藏精光落日薄暮也陳後主詩榆梢噪暝鴉夜暝鴉  
飛其聲啞啞然也呂覽寒子賤治豈父恐魯君之聽

說人而令已不得行其術也將辭而行請近吏二人於魯君與之俱至于豎父邑吏皆朝宓子賤令二人書吏方將書宓子賤從旁時掣搖其肘吏書之不審則宓子賤爲之怒吏甚患之辭而請歸宓子賤曰子之書甚不善子勉歸矣二吏歸報於君曰宓子不可爲魯君曰何故吏對曰宓子使臣書而時掣搖臣之肘書惡而有甚怒吏皆笑宓子此臣所以辭而去也魯君太息而嘆曰宓子以此諫寡人之不肖也寡人之亂子而今宓子不得行其術必數有之矣微二人寡人幾過遂發所愛而令之豎父告宓子曰自今以

來寬父非寡人之有也子之有也有便於寬父者子  
決爲之矣厥助傳水道上下擊石師古曰謂船觸石  
難以行也引水轉穀曰漕漕石漕渠之石灘瀨也碣  
石篇流浙浮漂舟船行難東坡詩長堤轉雪龍言自  
洛到揚一路舟行之險遇漕石則鋒如齒牙沈浸難  
則舟膠不進况水漸奔突雪浪龍吼種種怪惡異狀  
韓詩外傳子出衛東門逢姑布子卿子卿迎而謂子  
貢曰是爲魯孔丘與得堯之志舜之目禹之頭皋陶  
之蒙從前視之益益乎似有土者從後視之高肩躬  
脊循循固得之轉要下四寸此惟不及四里者也子



貢曰吁子卿日子何患焉汗面而不惡毀喙而不藉  
羸乎若喪家之狗子何患焉子貢以告子無辭而獨  
辭喪家之狗曰丘何敢乎賜汝不見喪家之狗與旣  
歛而櫛布器而祭顧望無人意欲施之今上無明王  
下無賢方伯王道衰政教失強凌弱衆暴寡百姓糗  
心莫之紀綱是故以丘爲欲當之者也丘何敢乎莊  
子南溟者天池也屬乘南溟運之通也我不如屬故  
運運尚隔北斗主生人祿命富貴窮困分所素定我  
之貨利固繫絡於北斗度人經云北斗十二星五星  
爲隱顯斗口之中有天一太一二十四玉皇光芒不

顯惟七曜大明彰示萬方七星之精在人七竅亦分  
其神能視聽言動知微悉皆由也輔弼二星之精分  
降爲日中曦子七星之神有陰魄陽魂及正星之神  
以滅除兇祲蕩逐魔鬼穆天子傳蠶書於羽陵注謂  
蠶書中蠶魚因云蠶書也爾雅蟬白魚高適詩且喜  
百年有交態未嘗一日辭家貧錢起詩貧交喜相見  
把臂歡不足全言揚州原有舊宅十年前曾託買僎  
守之宅中貯書籍恐歲久蠹損諒買僎固君子必能  
爲我管守如舊孟東野忽不貧喜盧仝書船歸洛詩  
日貧孟忽不貧請問孟何如盧仝歸洛船崔嵬但載

書江湖清翻翻淮潮碧徐徐夜信爲朝信朝信只卷  
舒江淮君子水相送仁有餘我去官色彩肩經入君  
庭喃喃引經郎言語傾琪琚琪琚銓好詞烏鵲躍庭  
除書船平安歸喜報鄉里問我願拾遺柴巢經於空  
虛下危崖土侵上爲雲霞居日月更相鎖道義分明  
儲不願空岩巖但願實工夫實空二理微分明相起  
予經書荒蕪多爲君勉勉鋤勉勉不敢專傳之方在  
諸此卽揚州宅所貯書也論語子罕言利與命與仁  
辯正論云顏問過於孔門保德行之首言我不能忘  
情利命誠有愧於孔門楚詞孤死必首丘兮夫人孰

能不反其其情孤首以首向丘也丘孤窟穴華封人  
曰千歲厭世去而上仙乘彼白雲至於帝鄉王褒與  
周弘讓書云白雲在天長離別矣

不敢唾汴水汴水入東海汚泥泥王宮恐復不敬罪不敢  
蹋汴堤汴堤連秦宮蹋盡天子土傀儡無由通此言雖太  
閼且是臣心腸野風結陰兵千里鳴刀槍海月護髭髯到  
曉點孤光上不事天子下不議侯王夜半睡獨覺爽氣盈  
心堂顏子甚年少孔聖同行躋我年冠顏子敢道不自強  
船人雖奴兵亦有意智長問我何所得樂色與清揚我報  
果何爲孔經在衣裳

宋玉大言賦吐舌萬里墜四海孟郊泝水別韓愈詩  
不飲河水瀾空滯此泝河坐見遶岸水盡爲還海波  
華嚴經無熱惱大龍王宮流出四河入于大海無海  
無雜無有垢穢光色清淨水經河水東過滎陽縣蒺  
藺渠出焉注云大禹滎澤開之以通淮泗卽經所謂  
蒺藺渠也漢平帝之世河泝決壞未及得修泝渠東  
侵日月彌廣水門故處皆在水中漢明帝永平十二  
年議治泝渠詔樂浪人王景與掾作謁者王昊共防  
築堤脩埽起自滎陽東至千乘海口千有餘里景乃  
商度地勢鑿山開澗防遏衝要疏決壅積十里一水

門更相注明年渠成帝親巡行節濱河祁國丘河  
堤員吏景由是顯名王吳諸從事者皆增秩一等順  
帝陽嘉中又自汴口以東緣積石爲堰河通淮古口  
咸曰金堤唐書地志長安四年立興秦宮分置興秦  
縣興秦宮在宜陽縣西南開河記云隋大業年開汴  
河築隄自大梁至灌口龍舟所過香開百里旣過雍  
丘漸達寧陵水勢緊急龍舟阻礙虞世基請爲陂陂  
水鵝唼水深淺自雍州至灌口得一百二十九淺處  
今亦名隋隄漢食貨志千里負擔餽餽野饋也左  
傳晉荀首如齊逆女宣伯餽諸敎杜預曰運糧餽之

六書故曰古之使者所過邦國皆有委積率領無運  
糧之說荀首過齊境不入魯畏晉遠魄率領故謂之  
俾元稹遺風詩疑是陰兵致昏黑古三憤曰陰兵妖  
陰告人主厥罰妖異也孟郊詩寒氣有刀槍海月授  
人驚羈魄旅魄也海月侵曉孤光點射若相護然也  
世說注曰嵇康上不臣天子下不事王侯輕時傲世  
不爲物用夜半睡覺爽朗之氣得自虛靜中管子曰  
若因夜虛守靜人物人物則皇夜虛之時子半復初  
遠游云壹氣孔神分於中夜存是也太明五緯經曰  
潛伏千息當出心堂郎顗傳昔顏子十八天下歸仁

行藏見論語高適詩終年不得意去去任行藏思立  
賦勸自強而不息今乃協傳以奴爲兵取將吏客因  
話錄李紉侍郎好諧戲嘗朝回與同列入坊門有負  
販者可不避李罵云頭錢傾奴兵輒罷官長張華詩  
美目流清揚正緩口若之上下皆曰揚目之上下皆  
曰清張敏傳孔子垂經典說命惟衣裳在笥

常州孟諫議座上聞韓員外職方貶國子博士有感五  
首

韓愈字退之南陽人卽今河南懷慶府脩武縣盧仝  
與愈同府濟源縣人愈自知讀書日記數千言比長



盡能通六經百家學德宗貞元八年壬申登進士第  
十四年用進士從董晉平汴州得試秘書省校書郎  
爲觀察推官十五年汴州亂公抵徐州節度使張建  
封建封奏爲節度推官試協律郎使愈朝正於京師  
十七年辛巳公在京師從調選竟無所成而歸十八  
年壬午春始調四門博士十九年癸未自博士拜監  
察御史上疏言開中天下根本民急如是請寬民徭  
而免田租天子惻然卒爲幸臣所譏貶連州陽山令  
舊史云愈嘗上章數千言極論官市之弊貶陽山令  
疏今不得則公之被絀坐論此兩事也順宗永貞元

年八月改江陵法曹參軍憲宗元和元年自江陵召  
拜國子博士三年春公爲博士有稱公者公恐及難  
遂求分司東都四年己丑改除尚書都官員外郎五  
年庚寅授河南縣令在河南有和盧仝月他詩六年  
辛卯遷尚書職方員外郎是年公尚在河南有辛卯  
年雪寄盧仝詩七年壬辰二月乙未以職方員外郎  
復爲國子博士舊史云愈因使過華陰上疏理柳渢  
事愈坐貶復爲博士按公貞元壬午授四門博士元  
和丙戌爲國子博士丁亥分牧東都今年又自郎中  
下遷凡四爲博士矣又孟簡曾爲刑部見韓集兩中

聯句詩新舊史皆不載

忽見除書到韓君又

一作又

學官死生從有命人事始知難

烈火先燒玉庭燕不養蘭山夫與刺史相對兩噴阮

王莽傳是時爭爲符命封侯其不爲者相戲曰獨無

天帝除書乎韋應物詩除書忽到門正投之日除如

德宗本紀上邇召李翰曰校將軍翌日除書方下是

也白居易詩莫嘆學官貧冷落猶勝村客病支離僭

林傳公孫弘爲學官公卿大夫士吏斌斌多文學之

士矣李康運命論云子夏曰死生有命富貴在天故

道之將行也命之將貴也王仲宣曰人生貴難顯其

弗與謝靈運詩烈火殺炎煙焚玉發昆峰公因柳澗  
遭貶玉石不分也少司命曰秋蘭兮展蕪熱生兮室  
下蜀志先主殺張裕孔明救之曰芳蘭當門不得不  
鋤山夫全自謂刺史孟諫議也噴阮山高貌貌蓋兩  
人共仰其高而惜其貶

千祿無便佞宜知黜此身貝郎猶小小國學大類類孤宦  
心肝直天王苦死與朝廷無諫議誰是雪韓人

崔駟達旨暴智耀世囚以千祿非仲尼之道也類類  
言屢爲博士唐制六部員郎從六品國子監博士正  
五品大學博士正六品四門博士正七品百官志職

方郡中員外郎各一人掌地圖城隍鎮戍烽候防人  
道路之遠近及四夷歸化之事凡國經非州縣增廢  
五年乃修歲輿版籍併上凡番客至鴻臚訊其國山  
川風土爲國奏之副上於職方殊俗入朝者圖其容  
狀衣服以聞國子監博士五人掌教三品以上及國  
公子孫從二品以上曾孫爲生者五分其經以爲業  
周禮儀禮禮記毛詩春秋左氏傳各六十人取則習  
誦書國語說文字林三倉爾雅每歲通兩經求仕者  
上於監秀才進士亦如之學士以長幼爲序習正業  
之外教吉凶二禮公私有事則相儀司空圖詩吟曹

孤宦甘寥落郭鎮傳起自孤宦致位司徒宋張耒曰  
公以直取禍則逐陽山貶潮陽真怒也公詩云或疑  
自上疏上疏豈其由

何事遭朝貶如何被不容不知一作思所自只欲涕無從

爲服何竹好荷衣已慣縫朝官莫相識歸去老巖松

公岳陽樓詩云前年出官由此禍最無妄姦債畏彈  
射斥逐恣欺誑公前貶蓋爲王叔文韋執誼等所排  
順宗卽位遷者皆追回公爲觀察使所抑徙江陵府  
法曹參軍屢遭貶逐不容於時檀弓夫子曰予惡夫  
涕之無從也楚辭進不入以離尤兮退將復修吾初

服製菱荷以爲衣兮集芙蓉以爲裳荷衣隱者草服  
白雲子詞或遊戲紅塵境或棲隱碧巖松公心澹然  
原無爵服之好况在朝又鮮相識之友方將撫巖畔  
之孤松作歸老計耳

力小垂垂上天高又不登致身唯一已獲罪則顏朋祿位  
埋坑穽康莊壘劍殺公卿共惜取莫遣玉山崩

易初九明夷於飛垂其翼夫且耶非類秩譬鳥羽力  
小垂翅上飛不能登于天也顏朋謂因禍獲罪坑坎  
也穽所以陷獸谷豕傳大爲亂阱師古曰穿地爲坑  
阱以拘繫人也北齊文襄帝紀苟欲徇意於前途不

受坑葬在其側爾雅五達謂之康六達謂之莊釋名  
康昌也昌盛也車步併列並用之言充盛也莊衰也  
衰其上使高也枝劍刃也言祿位埋人如坑葬然壘  
劍刃於康莊之道則行者避路而去世說稽叔夜之  
爲人也巖巖若孤松之獨秀其醉也俄若玉山之將  
崩晉書裴楷傳楷風神高邁容儀俊爽時人稱曰見  
裴叔則如近玉山照映人也

誰憐野田子海內一韓侯左道官雖衆剛腸得健全自  
無武功名生地獄禮教死天囚莫言耕種好須避蒺藜秋

全隱少室山韓公爲河南令厚禮之言海內獨韓侯



一人知我耳凡高者貴其左下者貴其右故降秩爲左遷仕諸侯爲左官師古曰左官猶言左道蓋博士冷曹雖清閒可樂然向日孤直剛腸或不無於此少貶耶公時作進學解以自喻執政覽其文而憐之故全語及此酉陽雜俎地獄一百三十六青山死地獄黃山死候鬼赤索畜生活地獄十六別處下天五年此獄一晝夜黑繩地獄號叫地獄髮流火處熾熱地獄十二炎處火生十方及飢渴火也八寒地獄多與常說同凡生地獄有三種形罪輕作人形其次畜形極苦無形如肉軒肉舂等今佛寺中畫地獄變唯

隅子獄猶如經說其苦具悉圖人間者又三十六獄  
流沙赤等號冥澤獄北獄獄也又二十四獄有九平  
元正女青河北等號人犯五千惡爲五獄鬼六千惡  
爲二十八獄獄四萬惡乃墮薛荔也夫禮教者趨翔  
周旋調節卑拜外束其形內總其德鉗陰陽之和而  
迫性命之情故終身爲惡人玉樞經註云功者列名  
本天過者囚於本天天獄王莽傳莽名同羣臣禽賊  
方略皆曰此天囚行戶命在滿刻言人雖生猶死也  
元結憫荒詩四海雖天獄何爲非天囚天囚正囚忍  
爲我萬姓營總言朝市之險如囚獄然謝靈運詩執

戟亦以疲耕稼豈云樂今人以仕官爲良田若遇疾  
終之秋則不可耕矣田之六三象辭曰據於蒺藜乘  
剛也陳文子曰據於蒺藜所恃傷也言蒺藜之不可  
恃雖朱紱方來亦君子之困於衣冠耳楚詞曰江離  
繁於窮巷兮蒺藜蔓乎東廂賢者蔽而不見兮讒諛  
進而相朋

夏夜聞蚯蚓吟

刺當甘詩人肝膽不如蚯蚓也韓詩才豪氣猛易語  
言往往蛟螭雜蚯蚓

夏夜雨飲作仿蚓蚯蚓吟念爾無筋骨也應天地心汝無

親朋累汝無名利役孤韻似有說哀怨何其深泛泛一作汎汎

輕薄子旦夕還嗔吟肝膽異汝輩熱血徒相侵  
蚯蚓一名鳴蚓孟夏始出仲冬蟄結術家謂蚓可與  
雲又知陰晴雨則先出晴則夜鳴無筋骨其爲物不  
息引而後申蚯蚓土精無心之蟲穴居首陽下翳陽  
動則穴而上首淮南子蚓無筋骨之強爪牙之利上  
食晞壤下飲黃泉用心一也蚯蚓又阜蟲異類同穴  
爲雌雄郭璞曰交不以分淫于阜蟲觸物而感乃無  
常雄東方虬賦任性行止物擊便出徒進退而皓首  
竟不知其所欲故曰汝無親朋累汝無名利役歐陽

子云仰其穴而鳴若號若呼若嘯若歌其亦有所求  
耶其生之陋而自悲其不幸耶范子云其志汎汎汎  
汎浮貌顏氏家訓自古文人多陷輕薄當時有劉又  
者少放肆爲俠行因酒殺人亡命會赦出更折節讀  
書能爲歌詩然恃故時所負不能俯仰貴人常穿後  
破衣開韓愈接天下士步歸之作冰柱雪車二詩出  
盧仝孟郊有樊宗師見爲獨拜能而道人短長其服  
義則又彌縫若親屬然後以爭語不能下賓客因持  
愈金數斤去曰此諛墓中人得耳不若與劉君爲壽  
愈不能止篇末云泛泛輕薄子旦夕還嗚吟肝膽異

汝輩熱血徒相侵似爲文之去而發言其反覆不常  
肝膽不足特適成輕薄子耳淮南子曰自其異者視  
之肝膽胡越自其同者視之萬物一困也熱血相侵  
猶言口血黃壤人也

揚州送伯齡過江

晉志牽牛流爲揚州以爲江南之氣躁勁厥性輕揚  
亦曰州界多水水波揚也許彥周詩話云玉川子送  
伯齡詩云努力事干謁我心終不平玉川子在王涯  
書院中會食不能自別枉陷於禍哀哉

伯齡不厭山山不養伯齡松巖有樵墮石上無禾生不忍

六尺軀遂作東南行諸侯盡食肉壯氣吞八紘不啻涸  
漢何由通姓名夷齊餓死日武王稱聖明節義士枉死何  
異鴻毛輕努力事干謁我心終不平

伯齡非厭山居者山自不能養伯齡耳淮南子石上  
不生五穀禿山不游麋鹿無所陰蔽隱也劉禹詩學  
古以求間有如石上耕伯齡困于飢寒不得已而行  
下則言世途遭際之難則禮卿大夫之職國中自七  
尺以及六十野自六尺以至六十有五皆征之韓詩  
外傳國中二十行役則七尺者二十也其升降皆五  
年則六尺者十五也柳宗元詩貴爾六尺軀勿爲名

所集儲光羲詩今之太守古諸侯史記蔡澤傳躍馬  
食肉三十三年亦足矣大人賦徧覽八紘而觀四荒  
今八紘八方之綱維也維落天地而爲之表故曰紘  
淮南子九州之外乃有八殞亦方千里八殞之外而  
有八紘亦方千里東北方之紘曰荒土東方之紘曰  
桑野東南方之紘曰衆安南方之紘曰反戸西南方  
之紘曰火土西方之紘曰沃野西北方之紘曰沙所  
北方之紘曰委羽楊慎曰保炎作反切語本出於俚  
俗常言尚數百種故謂統爲卽溜凡人不慧者卽曰  
不卽溜謂國曰突樂謂精曰卽令謂孔曰竄籠不可



勝舉而盧仝詩云不餽餽漢皆反語也韓非子伯  
夷以將軍葬於首陽山之下而天下曰夫以伯夷之  
賢與其稱仁而以將軍葬是手足不掩也太平御覽  
伯夷叔齊餓死首陽有道無地則餓也古史攷夷齊  
採薇而食野有婦人謂之曰子義不食周粟此亦周  
之草木也於是餓死劉孝標曰夷齊斃叔綏之言唐  
陸淳曰太公殷臣紂暴不諫反佐周傾之聖人宗堯  
舜賢夷齊不贊伊尹謂此也論衡曰武王伐紂太公  
陰謀食小兒以丹令身純赤長大教言殷王亡殷民  
見兒身赤以爲天神及言殷亡皆謂商滅兵至牧野

最舉脂燭姦謀惑民權掩不備周之所諱也又曰武  
王伐紂紂赴火死武王就斬以鉞懸其首于太白之  
旄何其忍哉尸子武王親射惡來之口親碎殺紂之  
頸手污于血不溫而食當此之時猶猛獸者也王孫  
子曰湯放其主武王殺紂自此之後以強凌弱以衆  
暴寡湯武以來皆亂人之徒也史記人固有一死死  
或重于泰山或輕于鴻毛用之所趣異也陽泉賦况  
性命之幾微如鴻毛之漂輕魏文帝詩男兒居世各  
當努力阮籍詩慷慨各努力干求也謁復白也釋名  
謁詣也詣告也齊其姓名於上以告所至詣者也韓

念書云欲事干謁則患不能小書困於投刺貧士不能養六尺軀努力解藩口推角於貴人門無所合令我心鈔結不平耳

憶金鷲山沈山人二首

一統志金鷲山在宜興縣東北二十五里昔有金鷲飛集於此故名陽羨舊名鷲州取此義

君家山頭松樹風適來入我竹林裏一片新茶破鼻香請君速來助我喜莫令九轉大還丹莫讀三十六部大洞經閑來共我說真意肯下領取其長生不須服藥求神仙神仙意智或仍然自古聖賢放入土淮南雞犬驅上天白日

上昇應不惡藥成且輒一丸藥暫時上天少問天蛇頭蝎尾誰安着

附隱居特愛松風每聞其聲便欣然爲樂新茶卽賜  
美茶也山有金沙泉修貢出罷貢卽絕唐書高宗令  
劉道士合大還丹成而上之及卒唯有空皮而背開  
拆如蟬蛻真仙傳有小還丹大還丹大還丹者言其  
九轉循環也天文上經有龍胎金液九轉之丹守形  
絕粒辟除萬邪抱朴子曰一轉之丹服之三年得仙  
二轉之丹服之二年得仙三轉之丹服之一年得仙  
四轉之丹服之半年得仙五轉之丹服之百日得仙

六轉之丹服之四十日得仙七轉之丹服之二十日  
得仙八轉之丹服之十日得仙九轉之丹服之三日  
得仙若取九轉之丹內神鼎中夏至之後爆之鼎熱  
倉然輝煌俱起神光五色卽化爲還丹取而服之一  
刀圭卽白日昇天太上三十六部尊經曰上清經妙  
真經太乙經妙林經開化經仙人經黃林經上真經  
道教經上鍊經上妙功德經道德經此十二部經藏  
在大洞玉清境藏中無毀無壞無生無滅湛然常住  
通衆妙門曰洞玄經元陽經元辰經大劫經上開經  
內音經鍊生經靈秘經消魔經無暑經按摩經上通

經此十二部經蘊在大洞上清境藏中微妙清淨爲  
諸天根本萬有之基曰太清經微視經集仙經洞淵  
經內秘經真一經集靈經中精經無量經集宮經黃  
庭經小判經此十二部經蘊在大洞太清境藏中濟  
生度死爲萬法舟航此三清與內真藏之中示有名  
跡顯衆妙門包羅無外妙入細微故三洞分爲三十  
六部尊經三洞珠囊曰從生得道從道得仙從仙得  
真從真得爲上清黃老君則上仙但備上仙之道未  
及上真也佛四果之人已稱賢聖成佛得道而號大  
仙道圓白始飛天而昇太極及成無上方號高仙邪

法身云轉神入妙形魂爲一身神並一則爲真身而成道也玉經云兆有五符籙令仙得真契長爲神真王應仙積萬世元始度人經云元氣未生孰有其真真者太空之中生化之主不變不易無壞無成空中之神冥中之精道中之真赴念隨感珠觀鳳駟首建九色身御金青駕氣乘雲上無復祖惟道爲身能降天真命籌日增過度九六神氣通靈無真不光無真不明無真不立無真不成無真不度無真不生是爲大梵真中之真碧虛四羅金闕玉城上極神風重霄紫庭真本非形若亡若存太霞玉宮中有至真大行

梵氣周回十方中有度人不死之神中有南極長生  
大君先天道德經云真散道生道還其復真生道道  
生真真出道遊萬物得普太古經曰天得其真故長  
地得其真故久人得其真故壽真誥云夜行常琢齒  
琢齒亦無正限數然見邪見常畏琢齒聲是故不得  
犯人若兼之以漱液祝說益善北帝然見之法先叩  
齒三十六下乃祝曰天蓬天蓬九元然童五丁都司  
高刁北公七政八靈太上浩凶長顧巨獸手把帝鍾  
素臬三晨嚴駕巨龍威劍神王斬邪滅惡紫氣乘天  
丹霞赫衝不魔食見橫身飲風蒼舌綠齒四目老翁



天丁力士威南禦凶天驕激兵威北衝鋒三十萬兵  
衛我九重辟尸千里去却不敢有小鬼欲來見裝  
攫天大斧斬鬼五形炎帝製血北斗燃骨四明破骸  
天避滅類神刀一下萬鬼自潰畢四言教一琢齒以  
爲節也若冥夜白日得視爲恒視也鬼有三被此視  
者眼睛盲爛而身卽死矣又齒下有三穴上二穴曰  
金津玉液下一穴曰海眼若齒相對則津液流舌上  
抵則海眼注焉經云玉泉清水灌靈根子若修之命  
長存言切服玉泉扣齒三七名曰煉精一名胎食抱  
朴子曰知上藥之延年故服其藥以求仙也天隱子

曰宅神於內遺照於外自然異於俗人則謂之神仙  
故神仙亦人也正部云天以仙人日子衆人口芻狗  
愛其子私其壽賤芻狗聽其天舊唐書元和五年八  
月乙亥上顧謂宰臣曰神仙之事信乎李璿曰神仙  
之說出於道家所宗老子五千文爲本老子指歸與  
經無異後代好怪之流假託老子神仙之說故秦始  
皇遣方士載童女入海求仙漢武帝嫁女與方士求  
不死藥二主受惑卒無所得文皇帝服胡僧長生藥  
遂致暴疾不救古詩云服食求神仙多爲藥所誤君  
人者但務求理四海藥惟社稷延永自然長年也韓

子曰人始死爲灰終爲土漢武故事云淮南王安好神仙招方術之士能爲雲雨百姓傳云淮南王得天子壽無極帝心惡之使倪王云能致仙人與共遊處變化無常又能隱形飛行服氣不食帝聞而喜欲愛其道王不肯傳帝怒將誅焉王知之出令與羣臣因不知所之樂府解題云古詞淮南王自言尋百尺高樓與天連實言安仙去續仙傳劉安漢高祖之孫好神仙煉大丹丹成乃去時人傳云安臨去時有餘藥在器內置于庭中雞犬舐啄盡得昇天故人云雞鳴天上犬吠雲中白日登晨者日之正中爲白日也雞

之始鳴登晨也魏文帝詩賜我一丸藥光耀參五色  
杜摯詩聞有韓衆藥信來給一九東方朔別傳陛下  
苟以臣爲詐願使人上天問之葛洪曰蝎前爲螫後  
爲螫蝎如水虺八足而長尾有節色青酉陽雜俎尾  
宿屬屬節天姓遮耶尼形如蝎尾柳屬蛇形如蛇室  
屬蛇頭天蝎天之子姓闔浮都迦法苑珠林尾有七  
星形如蝎尾

君愛鍊藥藥欲成我愛鍊竹骨已清試自比較得仙者也  
應合得天上行天門九重高崔嵬清空懸出黃金堆夜叉  
守門晝不啓夜半燃祭夜半開夜叉喜歡動聞鎖鎖聲提

地生風雷地上禽獸重血食性命血化積黃埃太上道君  
蓮花臺九門隔闕安在哉嗚呼沈君大藥成兼須巧會見  
物情無求長生喪厥生

鍊藥外也鍊骨內也丹經有先天內藥外藥之辨若  
內藥之不知而徒服鍊金石草木之類以求長生欲  
還嬰返老變化飛昇不亦難乎靈寶經云鍊骨成金  
三辰昂云九霞鍊骨紫氣合神洞淵真王歌云鍊骨  
生玉華長生得無憂元氣論鍊骨化形遊於帝庭位  
爲真人天樞上相本行集經註云骨者精之所化也  
今學人能鍊精則精化爲金玉之丹而留形住世長

生神仙彼骨乃精之化宜其有異于凡物也元始天  
王曰太帝九老京校仙登扶桑又曰金門校仙度人  
經註云八方諸天謂之八閭玄都爲中宮八方各有  
五億五萬五千五百五十億重如此衆天是元始一  
化之境域也靈寶上經大法云九重三十六天者玉  
清境十二天上清境十二天太清境十二天三洞神  
呪曰天門九重垂丹觀大洞玉經曰九扇者九重之  
門乃帝一胎所居之處天間則九重就管度之  
招魂云君無上天些虎豹九關啄害下人些王逸注  
曰天門九重使神虎豹執其關閉啄害天下欲上之

人而殺之也崔嵬高貌青空者寥寥始青榮空成碧  
光明疏云須彌四埵東黃金埵南琉璃埵西白銀埵  
北水晶埵黃金埵未詳按九天有金墉城館或聚黃  
金爲堆阜也北史云夜叉羅刹此鬼食人非遇黑風  
事同飄墮路史蕝都匿有夜叉城城中有夜叉窟不  
知深極旁百餘家一年再于窟近設闢祭之或逼窟  
則烟出觸之則死因擲尸魄其中洞淵集云不修智  
慧遊仙島故縱貪喫聘夜叉法輪勸戒經曰欲令一  
切夜叉非人等普得受持并真誠神篇曰天有四門  
東華之門門官之司中有主宰日直元君中有主判

錄事分神中有主開金剛力士無所謂夜叉守門者  
華嚴經云兜率天宮有無量夜叉王皆勤守護翻譯  
名義云夜叉此云勇健舊云閼叉西域記云藥叉舊  
訛曰夜叉能飛騰空中什曰亦言輕健有三種一在  
地二在虛空三天夜叉摩曰天夜叉居下二天守天  
城池門開製魔呪云猛火萬隊夜叉千群四頭八臂  
巨口金睛高天萬丈吞魔食精呼吸風雨叱咤雷霆  
霹靂大神呪云夜叉千群救護生民召使者呪云赤  
鴉赤鴉風火之車雷中鳥見雲外夜叉受命北帝  
令升霞泥元龜召呪云混沌祖炁化生諸天制禦三



界統攝萬靈百千官衆萬億精兵金剛力士夜叉王  
神無鞅數衆內外屯營則天門夜叉信有之矣黃山  
谷詩九鎗天關守夜叉東坡詩玉川何日朝金剛白  
晝關門守夜叉凡道家建壇設祭曰醮祭夜半子時  
爲六陽之首醮祭天神必于是時也木起經隨日時  
王相醮祭名號精靈前漢郊祀志或言益州有金馬  
碧雞之神可醮祭而致祈晴呪云不領雷城鬼盜其  
瓶搥擊聲也西京賦流籥掩搥記曰地載神氣風霆  
沆形雷自地出也三洞神呪曰古木惡廟血食之賓  
泉源土石倚草精靈天威震怒粉碎其形洞洞神呪

經曰禽獸鳥王或上不若天下不居地奔走世間駕  
彼八風乘九隄烝炁憑樹木以爲宅舍吸人精炁迫  
求血食興起災禍性命血化者謂雷霆擊物化爲凝  
血散作飛灰江淹賦血視千門外唯見起黃埃黃塵  
也一口旱地塵淮南子正土之氣也御乎埃天埃天  
五百歲生缺缺五百歲生黃埃其語曰太上者道之  
子孫審道之本洞道之根是以爲上清真人爲老君  
之師老君者太上之弟子也年七歲而知長生之要  
是以爲太極真人道君言我無量劫度人無數元始  
天尊以我以緣之勛賜我太上道君之號本行經云

道君是西那玉闕人蓋紫枝之流芳皇上之曾育能  
尊承靈寶元始封爲鬱悅那林昌玉皇天帝位登高  
聖治玄都玉京大洞經云上清高聖大道君者一號  
玉晨君治藥珠玉闕七瑛紫房受事虛皇虛皇卽元  
始天尊也昇天神呪妙經云元始天尊在西那玉闕  
香林閨中七寶蓮華座上與天中神仙說无上真道  
度人經云元始天尊玄坐虛浮紺碧蓮花之上其花  
萬葉一葉起覆一天蓮幹參空根蟠玉海間徑萬里  
中有寶樓環闕瓊宮現殿層壘鬱拱所覩靈觀不可  
思況其記曰玄都洛中蓮花徑度十丈泚元皇帝聖

紀云太上老君者混元皇帝也昔于虛空之中結氣  
凝真或坐千葉蓮花光明如日關令內傳云老子拂  
衣而起登自然蓮華之座太上混元史略云老君於  
甲寅歲四月二十八日將於尹喜宅南山阜昇天喜  
悲戀請留老君告喜曰吾將俟子於蜀汝能除垢止  
念脩習吾經合服神丹鍊形入妙則可尋吾青羊之  
肆矣言訖上昇喜乃于樓觀千日清齋屏絕人事研  
味真經精思三年形釋無存至乙卯年老君乃乘九  
色神光從太微宮中降生於蜀大官李氏之家已光  
勸青童化爲青羊常在嬰兒之側忽一日失羊所在

兒啼不止大官乃令守羊童子赫覓得於市肆喜至  
蜀問諸人無識青羊肆者忽見童子牽羊因自解云  
既有青羊復在市肆聖師所約其在是耶因問童子  
得悉其故喜叩囑曰煩爲告夫人之子云尹喜至矣  
童子如其言入白兒卽振衣而起曰令喜來前喜既  
入其家庭宇自然寬平湧出千葉蓮花之座老君忽  
化數丈白金之身光明如日而有日光建七耀之冠  
衣最精之服披九色離羅之帔坐於蓮花之上喜踴  
躍悲懣無量稽首老君曰吾以子居世未久初投經  
訣未克成功是以待子於此今子保形鍊炁三年功

早已造其妙於是勅授喜文始先生無上真人喜再  
拜受自此方得乘雲飛騰參侍龍駕遊行八方矣九  
門者九天之門山海經曰九門有闢明獸守之卽四  
聖妙經所云九虎關中長生品云金鎖玉關神虎衛  
門也度人經云天牖羅九門日月列其傍又云玉城  
九門太霞西關曰金門玉帝南門曰四明門又曰玉  
明之門太極宮青華門曰三華門又曰華都門日月  
所會曰想門三界天門曰攬姿門有王所遊曰九玄  
之門大梵隱語疏云北上玄闕之門又云天西北門  
又云三便門又云金闕北壁法輪之門求仙定錄云

西方素天白帝七門上清樞中訣云寶玄金房外有  
玉門大有金書曰靈風起西門天之門誠不可億數  
夫自一炁而立三境三境者清微禹餘大赤三天也  
由三境而生九天三境之下各生三天合有三十六  
天次下四極民天次分三界二十八天欲界六天色  
界十八天无色界四天次八梵天以至化生五億諸  
天按九天在三天之下三十二天之上第一鬱單無  
量天在南去第二天二十四萬里第二上上禪善無  
量天在西北去第三天四千六百萬里第三梵天  
須延天在東去第四天六百七十二萬里第四寂然

梵術天在西南去第五天千二百四十萬里第五波  
羅尼密不驕樂天在東南去第六天三千八百八十  
萬里第六洞无化應聲天在北一名他化自在天去  
第七天五千三百八十四萬里第七梵輔天在西一  
名梵寶天一名波羅尼耶拔致天去第八天五百二  
十萬里第八高盧清明天在東北又名梵摩迦夷天  
又名梵衆天去第九天六百八十萬里第九无想无  
結无愛天在北或曰波利天或曰波梨咎瑟天或曰  
大梵天去下五百億二十萬里九天闕闕廓落高玄  
非學子所悉矣崔公入藥鏡云金丹大藥產在坤種



在乾盜天地奪造化抱朴子曰欲求神仙在於寶精  
行炁服一大藥仙經曰大藥既成鶴何成鳳獨食成  
鸞大抵成龍人服登仙太上虛皇天尊曰學道甚難  
鬼神魔王欺人成功但欲其死不喜仙道子將道成  
復有諸天仙人來試爾身仙人之來試也或試以所  
欲或試以所不欲或試以所難或試以所畏皆于心  
之所不悟意之所不達也試之過者諸天保舉魔王  
來迎是謂得道度人經法云群魔壞人善性附人惡  
事于試學人世有禽畜五行精物化爲鬼魔此輩分  
形異類神同于人又有外道妖魔及精靈苦與之鬼

化爲天尊神仙真人惑亂善人道士明詳切勿墜入  
此流中真誥曰昔閻成子少好長生學道四十餘年  
後入荆山中積七十餘歲爲荆山山神所試成子謂  
是真人拜而求道而爲大蛇所噬殆至于死賴悟之  
速而有太上想七星以却之因而得免後復爲邪鬼  
所惑失其左目遂不得道而絕世有下土惡強之鬼  
多作婦女以惑試之若有此者便閉氣思天關之中  
衡輔之生其身神正顏色定志意熟視其規中珠子  
濁不明者則見試也知見試則思七星在面前亦可  
在頭上以却之若規中方明者仙道人也悟者便拜

三川詩集卷三  
之按師魯在金鵝山中或有鬼魅來試玉川恐其遇  
真而不識遇邪而誤訂真人以喪其生故曰兼須巧  
會見物情無求長生喪厥生

寄蕭二十三慶中

慶中卽前蕭才子也

蕭乎蕭乎憶蕭者嵩山之盧盧揚州蕭歙州相思過春花  
鬢毛生麥秋千災萬怪天南道程程鸚鵡背人言山魃吹  
火蟲入挽鴛鳥呪詛鮫吐挺就中南瘴欺北客憑君數磨  
犀角喚我憶君心千百問千百問君何時還使我夜夜勞  
魂魄

全隱嵩山少室蕭赴歙州全客揚館于蕭宅故云虛  
揚州蕭歙州也通典歙州今理歙縣春秋時屬吳後  
屬越秦屬障郡二漢屬丹陽郡吳孫權分丹陽立新  
都郡晉平吳改曰新安宋齊並因之隋平陳置歙州  
煬帝初州廢置新安郡大唐爲歙州或爲新安郡此  
時處中有事交廣之地故下簡述蠻方之瘴惡而思  
念之切也月令靡草死麥秋至崔題詩荷香送麥秋  
麥秋生夏死麥金也金王而生火王而死錦繡萬花  
谷集封溪有猩猩似黃狗人面善言音如女子或以  
爲太古民也鸚鵡如鸚朱味鈞豚羣頂玄項頰足翠

尾啖羽四趾中分人舌能言山簫一名山臊一名治  
鳥能役虎害人燒人廬舍俗謂之山魃度人經云土  
石之精草木之怪山魃山魃木客人都烏都泉魃魃  
魃爲民妖害蟲入枕者南方多蟲蟲毒害人韓愈永  
貞行盡蟲群飛夜撲燈食中置菜肝心勸鴿鴿鳥也  
淮南子暉日知晏陰詣知雨譚子毒鴿怒土石鴿鴿  
能四步作聲禁物如詛祝然北夢瑣言蛟形如馬蟻  
涎沫腥粘掉尾殺人而噬其血墨客揮犀蛟之狀如  
蛇其首如虎長者至數丈多居溪潭石穴下聲如牛  
鳴岸行或溪谷者時遭其患見人先以腥涎繞之既

墜水卽於腋下吮其血血盡乃止昔有舟人爲蚊所  
毒但見於水上嬉笑而入明日尸出兩腋下有穴如  
杯焉柳子厚嶺南行潭心日暖長蚊涎錄異記嶺表  
山川盤鬱氣聚不易疎洩故多嵐霧作瘴人感之多  
病臙服成蠱路史注云越嶺有瘴氣中之有聲若人  
人死者木木折曰鬼隙木山障之氣毒也交州記犀  
有二角鼻上角長額上角短說文或言犀有三角一  
角在背蓋漸生也本草石氣多毒足主毒之物犀角  
羚羊之屬是也酉陽雜俎犀牛一名奴角有鴟處必  
有犀凡鴟飲水處百鳥吸之皆死得犀角解之則水

無毒今有鳩處必有犀此天含有萬物之盛心矣杜  
牧上宣州崔大夫書某雖不肖則亦千百間其一人  
數也此云我憶君心千百間謂相間隔也參同契注  
陽神曰魂陰神月魄魂之與魄互爲室宅其一經曰  
動以營身謂之魂靜以鎮身謂之魄

贈金鵝山人沈師愈

金鵝山中客來到揚州市買藥牀頭一破顏撒然便有上  
天意日月高挂玄關深金膏切淬肌骨異人皆食穀與五  
味獨食太和陰陽氣浩浩流珠走百關綿綿若存有深致  
種玉不耕山外非內粹鑿儒關決文泉彰風雅因君不復

星光不外照刀不磨迴避人間惡富貴三日四日五六日  
盤礴化元搜萬類盡飲興酬陶天和夜話造敵精魅示  
我插血不死方賞我風格不肥膩肉眼不識天上書小僮  
安敢寬與秘崑崙路隔西北天三山後浮不著地君到頭  
來一作憶我時金簡爲吾銘一字

野人閒話李客者不言其名嘗被篋戴笠繫一布囊  
在城中賣殺鼠藥或有人買藥卽曰此不惟殺鼠兼  
療衆病有張贊賣書爲業父年七十餘久患風疾一  
日因鼠嚙其文字數卷贊甚怒買藥將以飼鼠贊未  
寢燈下見大鼠數頭出爭食之俄見皆有羽翼望門



飛出贊深異之因就李客求藥言已盡矣遂遁去其  
父取鼠殘食之頓覺四體能屈伸下牀履步如舊羅  
郭詩牀頭殘藥鼠偷盡僧皎然買藥歌揚州喧喧賣  
藥市浮俗無由識仙子河間姪女直千金紫陽夫人  
服不死吾與此道復何如昨朝新得蓬萊書傳燈錄  
是時迦葉尊者破顏微笑太玄內秘一機名日月高  
奔日月者坎離也玄關者玄牝之門玄者水也牝土  
母也魏真人曰日潛德而沈彩月施德以舒光日受  
月化體不虧傷是知其元一氣乃生天生地之本大  
丹隱書曰呼引日月變化雄雌陽符經云一初載日

二象月分金丹說曰煉精化炁爲初關身不動也煉  
炁化神爲中關心不動也煉神化虛爲上關意不動  
也故曰玄關一竅至玄至要之機關卽老子有無玄  
化妙物母之道也穆天子傳已未天子大朝于黃之  
山乃披圖視典用觀天子之瑤器曰天子之器玉果  
珠燭銀黃金之膏注金膏亦猶玉膏皆其精內也  
東晉曰金膏可以續骨謝靈運詩金膏滅明光飛行  
羽經云金精冶鍊之膏食之一口得壽七萬年家語  
食穀者智慧而天食氣者神明而壽黃庭外景經曰  
仙人道士非異有積精所致和專仁人皆食穀與五

味獨食太和陰陽氣故能不死天相溉玄門大論曰  
氣有一君黃氣變白名曰太陽變爲太和是一君也  
黃庭經曰百穀之實土地精五味外美邪魔腥臭亂  
神明胎氣零那從返老却還嬰何不食氣太和精神故  
能不死入黃帝五廚經云修奉太和不虧不盈嘗之  
無味喫之無聲子得同之命令其星一受不退長樂  
自然天文上經云玄古之人所以壽考者造次之間  
不食穀也大有經曰五穀是剋命之鑿腐臭五藏致  
命促縮此根入口無希久壽汝欲不死腸中無滓也  
服氣經曰夫人體內有百關九節百關者號百脉之

神仙經曰流珠九轉流珠宮在泥丸宮後一寸有流  
珠真神居之三洞珠囊曰丹液玉滋荷首流珠上清  
大洞真經云流珠停曜紫霞踊烟三辰光輝品云泥  
洞九光玉輪十芒流珠曲直落落四張化行祖氣道  
之至精參同契曰白虎爲熬樞汞曰爲流珠注云太  
陽流珠常欲去人卒得金華轉而相因化爲白液凝  
而至堅金華先似有頃之間解化爲水老子綿綿若  
存西昇經絕身滅有綿綿常存廣記陽雍伯事親以  
孝聞及父母死葬於高山雍伯廬於墓側晝夜號慟  
甘泉湧出以濟行人忽有一飲馬者來將白石一升

與雍伯曰種之當生美玉果生白璧長二尺許不計其數一日出遊至海上遇群仙曰此種玉雍伯也一仙曰汝有孝行神真所感此宮卽汝他日所居也雍伯歸數年夫婦俱上昇今者所居之宅號玉田坊水經注無終山有陽翁伯玉田在縣西北有陽公壇社卽陽公之故居也按神記曰雍伯雒陽人至性篤孝父母終沒葬之於無終山山高八十里而上無水雍伯置飲焉有人就飲與石一斗令種之玉生其山北平徐氏有女雍伯求之要以白璧一雙媒者致命伯至玉田求得五雙徐氏妻之遂卽嫁焉陽氏譜叙言

翁伯是周景王之孫食采陽樊春秋之末爰宅無終  
因陽樊而易氏焉爰仁博施天祚玉田其碑文云居  
于縣北六十里翁同之山後路徙于西山之下陽公  
又遷焉而受玉田之賜情不好寶玉田自去今猶謂  
之玉田陽光景光也光卽神也真人神不外馳目雖  
視物而凝然不動故曰不外照也七尺曰刃步虛云  
仰觀劫仞臺古之字少以刃爲仞天真以劫計仞世  
人以尺計仞不磨者言歷劫不壞也或云光不外照  
廻風混合也刃不磨自然神創也全又言山人兼通  
儒理能文章善詩歌風雅之道因君不復塵但欲避

人間富貴故隱此山耳真誥曰古之高人覽罪谷之  
難豫知富貴之不可享矣遂肥遯長林栖景名山咀  
咽和氣漱濯清川欲遠此惡迹自求多福吐納經云  
絕穀不食元神之道也初服氣一日二日之時穀氣  
未定顏色鬱黃三日之時穀氣去精氣來四日五日  
之時精氣陰陽和調六日之時精神安定耳目聰明  
行步便利七日之時常欲輕舉至道之故  
夢寤夢歸上通神明八日之時神行八極能默然每  
爲口中自甘志骨自強九日之時精神備形弱者強  
神氣日堅固不行自越不來自近顏色日悅十日之

時諸神來至門皆闢玉女侍從左右輕舉若鸞雲中  
微翔道以得矣故曰三日四日五六日盤礴化元授  
萬類但言三四五六日者省文也兼飲養和味玉液  
也夜話造微通鬼神也精魅者六天遊精萬魔厭魅  
五行邪怪品云東方青精南方赤精西方皓精北方  
黑精東北火行遊精東南金行遊精西南水行遊精  
中央黃精西北木行遊精皆有至真大神新減之玉  
皇本行集經云土精木魅于鶴詩願示不死方何山  
有瓊液九真盟科曰截髮歃血之誓度命妙經云誓  
臂歃血誓信効心受法而去抱朴子曰以傾倚屈申



者妍媚以風格端嚴者田舍豈不惑也仰藍記觀其  
脂色肥膩若新不肥膩者諺曰無肥仙人也太極真  
人戒經云世間肉眼凡夫不能見我以不識故无上  
內秘真藏經云大慧具五眼不天奪曰實具大慧有  
肉眼有法眼有慧眼有功德眼有道眼何以故肉眼  
卽是法眼慧眼功德眼名爲道眼又云汝等肉眼不  
能見我妙相法身王隱晉書云君必不解天上書漢  
書夏侯勝傳章句小儒破碎大道潘岳閒居賦闢天  
文之祕奧與藏也祕密也邵正釋譏挺身取命於茲  
奧祕括地象曰崑崙在西北其高萬一千里上有瑤

玉之樹也水經云崑崙虛在西北去崑崙五萬里地之中也其高萬一千里河水出其東北陬禹本紀崑崙山高三千五百餘里日月所相避隱爲光明也其上有醴泉華池淮南子禹乃以息土填洪水以爲名山揭崑崙虛以下地中有增城九重其高萬一千里上有木禾其修五尋珠樹玉樹璇樹不死樹在其西沙棠琅玕在其東絳樹在其南碧樹瑤樹在其北旁有四百四十門門間四里里間九純純丈五尺旁有九井玉樹維其西北之隅北門間以內不用之風傾宮旋室縣圖涼風樊桐在崑崙閭闔之中是其疏圃

疏圃之池浸之黃水黃水三月復其原是謂丹水飲  
之不死崑崙之丘或上倍之是謂涼風之山登之而  
不死或上倍之是謂懸圃登之乃靈能使風雨或上  
倍之乃維上天登之乃神元始上與衆仙記崑崙玄  
圃金爲瑤城四方千里城上安金臺五所玉樓十二  
瓊華之屋紫翠丹房七寶金玉積之連天巨獸萬尋  
靈喬億千西王母九光所治群仙無量也神異經云  
崑崙有銅柱焉其高入天所謂天柱也圍三千里周  
周如削下有回屋仙人九府所治又一說云大五嶽  
者中嶽崑崙在九海中爲天地心神仙所居五帝所

理史記述萊方丈瀛洲此三神山者其傳在渤海中  
茲嘗有至者諸仙人及不死之藥皆在焉其物禽獸  
盡白而黃金銀爲宮闕望之如雲及到三神山反居  
水下臨之風輒引去終莫能至云列子夏革曰渤海  
之東不知幾億萬里有大壑焉實惟無底之谷其下  
無底名曰歸墟八紘九野之水天潢之流莫不注之  
而無增無減焉其中有五山焉一曰岱輿二曰員嶠  
三曰方壺四曰瀛洲五曰蓬萊其山高下周旋三萬  
里其頂平處九千里山之中間相去七萬里以爲鄰  
居焉其上臺觀皆金玉其上禽獸皆純精珠玕之樹

皆叢生華實皆有滋味食之皆不老不死所居之人  
皆仙聖之種一日一夕飛相往來者不可數焉而五  
山之根無所連著嘗隨潮汐上下往還不得暨時焉  
仙聖毒之訴之於帝帝恐流於西極失群聖之居乃  
命禺強使巨鼇十五舉首而戴之迭爲三番六萬歲  
一交焉五山始峙而龍伯之國有大人舉足不盈數  
步而暨五山之所一釣而連六鼇合負而趨歸其國  
灼其骨以數焉於是岱輿且嶠二山流於北極沈於  
大海仙聖之播遷者巨億計帝恐怒伐滅龍伯之國  
使阨侵小龍伯之民使短至伏羲神農時其國人猶

數十丈玉清隱書有太上飛行九晨玉經金簡內文  
明升經曰有其金玉字刻在金簡當爲其人者不得  
越傳地仙金板經曰金簡玉札出自太上寶都之宮  
將以朱文編以朱繩靈寶自然經曰太上諸仙真以  
黃金爲簡升玉書之賜帝詩麟記書金簡李紳贈毛  
仙翁詩紫筆親教書姓名玉皇詔刻書金簡太上升  
景道精曰隱地八化玄真之術惟在刻字金簡書名  
玉篇者始得問之方言鐫琢也晉超謂之鐫古今通  
論云倉頡造書形止謂之文祭具謂之字字者取其

華乳相生

